

## Per trutgs e pitgognas dals 20-05-2011

### Proposta dad Andri Poo

#### Tura sin il Piz Spadla

Cun l'auto ubain cun meds da transport publics arriva ins a Sent. Il Piz Spadla è il punct il pli aut dal Fil Spadla, quel vesa ins directamain sur il vitg. L'emprima costa dal Fil Spadla dat en egl causa ils rempars da lavinas.

Davent da Sent chamina ins directamain vers nord fin sisum il vitg (P 1505). Sin vias champestras e sendas vai vinavant vers nord – per part tras il guaud - en direcziun Telf (P 1967) ed alura suenter la via d'alp vers l'Alp Spadla (P 2318). Ins passa speravia a diversas chamonas ed al primaran da Bativ.

Sin ca. 2300 meters sur mar – curt avant l'Alp Spadla – cumenza la senda che maina vers il Piz Spadla. La senda munta si tar ils rempars da lavinas. L'emprim punct dal spitg è il punct 2654. Da là davent ha ins gia ina bella vista en tut las direcziuns. Per arrivar propi sin il Piz Spadla (P 2912) cuntinuescha ins suenter il spitg en direcziun nordvest.

La tura po vegnir prolungada sur il Fil Spadla fin tar la Fuorcla Spadla (parts expostas cun sugas d'atschal) e puspè enavos giu l'Alp Spadla. Tgi che na è betg uschè segir da pass e senza sturnizi fa meglier da turnar suenter la senda da la muntada tar ils rempars e giu l'alp.

Questa tura è pretensiusa, tant da la cundiziun sco er da la segirezza da chaminar. Igl è però pussaivel da turnar en mintga lieu u scursanir la tura en diversas manieras. La vista sur ils vitgs da Sent, Scuol e Tarasp è dada gia pauc sur il vitg da Sent.

Durada: ca. 7-8 uras

Muntada: ca. 1500 meters

Difficultads: per part muntadas magari stippas (cundiziun!) e lieus exposts; spassegiada alpina!

#### *Spezialitads da la tura:*

- tura pretensiusa
- tura che permetta da turnar en mintga lieu
- bella vista sur l'Engiadina Bassa
- naginas ustarias sin il traject

#### Attenziun:

Igl è da resguardar che en lieus da sumbriva en l'autezza èsi anc da far quint cun naiv!